



假年錄序

長樂鄭振鐸西

昔尼父論列逸民篇名見經傳之夷逸朱張

與夷齊虞仲貴介公子柳下惠世望家族拉

埒蓋既以佚稱則勢位非所論也至於詩僅

存三百十一篇其刪去十之九世皆知其軼

詩固已然狸首茅鷗河清唐棣其逸尚時時

見於他說唯三千篇之外與夫春秋已後秦

漢已前其間揚風扞雅應律合呂者胡可勝

數不幸而不遇大聖人之品題即敲金戛玉

亦與街談巷語俱湮沒無聞則真逸也三吳



人士類多文弱比戶絃歌百里在省會之東南隅自陸天隨以後伯夫決拾大有傳人聖朝取士詩文竝重學士大夫薦紳先生拜手揚言上之

黼座固已名揚海內矣惟是匡廬風雨抱膝長吟本之性情聲出金石所謂家有十里人懷盈尺作者果不求人知苟無人焉爲紀載而表彰之則真與三千篇之逸詩同其湮沒而已吾友易安周子隱君子也其爲人也溫而厚其宅心也平而恕其遇事也明而敏其爲學

也經經緯史而不求仕進其充實不可已也見於言行無不合古人之肯綮苟得大聖人品題而表揚之其亦可附於逸民之末歟予昔卜鄰洽比晦明風雨時相過從十數載如一日自值家難餬口遠方每接周子寓書必盥沐危坐而後讀之苦口責善如對嚴師聖人所稱三益友周子蓋以一身兼之其可敬可愛爲何如哉壬子春仲接周子書知與同志陳果園得活字板於姑蘇隨集里中先民及時賢詩之散佚者印行於世是以逸民外

之民訂逸詩外之詩維日孜孜不知老之將
至以自適其志而已若謂闡微顯幽尚非本
意也予異鄉濡滯所謂伊人無日不往來於
心儻得謀一葦之航相與叅互考訂則賞心
之處卽樂事也不知蒼者假我年否祖開
蔣孝基郵寄黔省施秉縣之旅館

余即其末語而命逸詩續編曰儼年錄夫花
甲以後之年爲餘年嫁娶以畢之人爲餘人
搜羅散軼之事爲餘事以餘人得餘年爲餘
事必得其成如逸詩之初編是已然初編可

必續編不可必初編之成也俱出之同好之家
續編之成也將求之不同好之家蓋人各有好
我旣不能隨人之所好而好之人亦何能隨我
好而好之哉則餘事之不可必與餘年之不可
必若難而若不難焉寧使餘年不可必冀繼我
之有人毋使餘事之不可必卽假予以年亦無
益也蔣兄長余二年遠在萬里年可必歸可必
餘事可必相與叅互考訂其樂果何如哉毋使
年俱可必而歸期與餘事同一不可必也噫癸
丑六月十一夜半雷雨時書

前編以人傳詩茲則以詩傳人唐陸天隨明
高青邱已風行海內矣逮及吾朝繼兩先
生而起者舍竹素更將誰推有刻本八卷古
今體七百四十三首板已腐壞恐久而失傳
力孤弗克盡印以蠡測之見選得二卷共得
詩一伯七十二首其制藝已刻蔡方山三十
家中文集未經壽世橐在伊孫天柱家儻得
付印俱入逸文使後起者得窺全豹庶不虛
先生畢生之著作云時

乾隆六十載乙卯中秋易安周秉鑑識



序

吾友許子竹素當代詩家咸以善學李青蓮目
之其說固然青蓮之詩非可學而至也青蓮
負曠世才有浩然之氣識郭汾陽於患難中視
高將軍輩如鼠子故其爲詩落想天外局自變
生此由天授而不關人力者後之爲詩者亦必
負曠世才有浩然之氣而後發而爲言不求合
而自契合彼舍神理襲形似沾沾焉以率易
狂縱求之去青蓮遠矣竹素以過江王謝子弟
天賦俊才少歲與予定交時已能盤馬彎弓擊

劍奪稍於人羣中欲默相天下奇士卽王公之
貴而不原本三不朽之一者眼界中舉而空之
時吳中學詩祖宋祧唐幾於家至能而戶務觀
予與二三同志欲挽時趨苦無其力竹素大聲
疾呼以排之所爲詩飛動凌空有倚馬萬言之
槩人莫與角繼遊都中與諸名流登臨贈答詩
必擅場一時有小青蓮之目無異辭中年遊歷
下適豫章道經荆峴衡嶽羈旅東西兩粵晚而
出宰閩中所過多名山大川擴其胸臆詩益恢
宏壯麗神合青蓮蓋青蓮才固天授而栖峨岷

湖岷漢尋蘇臺越中之勝探敬亭秋浦之奇舟
車半天下益得江山之助故竹素彌近之獨是
青蓮於天寶初召見便殿對名花賦清辭天子
調羹賜食遂直翰林褐衣榮寵前無比儔竹素
祇以一令去官同其才不同其遇可歎也然青
蓮掌誥未久遭讒被放後以逢亂長流夜郎及
昭雪得歸俎謝青山未臻耆舊竹素友教四方
得棟梁之材爲封疆民社重今年屆八十巋然
稱魯靈光而當酒酣耳熱媿談少年弓刀馬
稍事中有所得出其餘韻以歌詠太平較之青

蓮又爲幸人矣前此高文良公最賞竹素詩於
廣座中時吟其佳句而文良以詩商確有當改
定者竹素輒爲指彈曰我欲使公必傳此又如
杜少陵之於嚴鄭公也 乾隆丙子夏五同學
弟沈德潛題於葑溪之清曠樓

樓山觀察贈句

王 恕

大雅誰傳欲盡薪吾衰幾遇斲輪之乾坤萬里
無餘子旦暮千秋有此人力與風騷爭正變肯
同叔季鬪清新蛙聲紫色紛歧路翦燭從君仔
細陳

竹素園詩選

東吳許廷鑠子遜著

送宋六天木歸漂陽

長揖辭故鄉北走長安道江湖歷世情所見尚
機巧徒抱歲寒心恒虞跡見掃吾兄青雲姿肝
膽白日皎傾蓋一諾間中懷爲傾倒解衣禦我
寒酌酒開我抱來日亦大難相逢苦不早賴茲
友朋樂轉覺他鄉好浮雲西北移飄風動木杪
客裏送歸人況復同江表去去望路塵車輪腹
中繞

大風行亂山中

雲亭、天冥、四圍亂插山頭青。流泉倒飛濺
衣帶寒。鴉支磔難爲聽。崩崖墮石崖。復鬼百折
但恐車輪摧。征夫揮鞭策。駑馬十步前行九步
迴。天風滾、起天末。捲地黃沙暗。林樾打頭落
葉排空來。萬弩離弦一時發。黃狐擺尾山鬼啼
慄如霜刀刺毛骨。山鳴谷應轟砰訇。怒作雷聲
震天闕。風伯降兮見恍惚。披絳衣兮飄綠髮。雲
爲旗兮風爲車。掣電翻波倒溟渤。真宰閉目天
柱搖。吹落仙人手中笏。空山茫、去何之。仰見
前途日西沒。

春盡同觀卿作

九十春光好。蹉跎去日賒。看殘三度月。飛盡一
城花。夢短常分夜。人閒易憶家。東風知客意。吹
得酒旗斜。

贈陳使君滄洲時正被議

治行追西漢。文章替左司。郡人欣再至。奏牘待
三期。化雨春潮合。冰心朗月知。江東諸父老。不
語淚交頤。

上苑看花後。蹉跎待詔還。明時無一事。白首合
投閒。百鍊孤臣節。清霜逐客顏。角巾歸故里。長

嘯九疑山

南北看箕斗微茫變態新如公還罷郡時事屬
何人團扇秋風怨幽蘭楚客紉愁雲黯吳苑何
日見陽春

夙有凌雲志排空望日邊世情柔繞指吾道直
如弦杼軸思慈母東南戴二天瞻韓無限意心

逐楚江船

北行留別馮二服之兼祝七十

江左有奇士高風不可攀空隨公府辟相對鬢
毛斑人憶將軍樹居隣虞仲山後車來渭水屈

指十年間

邱園寄微尚風雅是吾師卷畫春雲起鳴琴流
水遲書傳魯公筆妓唱白家詞儻入商山去能
無采紫芝

一劍從軍日秋風古戰場灞陵逢醉尉軹道繫
降王橫樂心還壯歸田徑未荒陣圖傳令子話
舊意蒼茫

一結忘年友相於幾度秋詩吟七才子兵論五
諸侯無那悲歌日將成燕市遊貧交兼遠別心
折大刀頭

蕪城感舊

雷塘春盡草如煙
落拓江湖又一年
吟徧吹簫橋畔路
無人知有杜樊川

三千殿脚總如花
斷粉零香散暮霞
唯有離宮舊明月
夜深還上玉鈎斜

人曰

屏風忽見貼金縷
京洛風光泥遊子
新正舟初七日
故鄉茫茫四千里
吳山吳水碧逶迤
離緒當如楊柳何
愁裏微吟重懷古
詩家人曰異鄉多

客中對月

同是天邊月
看來異昔時
始知羈客久
因恨尺書遲
斜照夢初斷
閒行影自隨
流黃織深夜
莫易到羅幃

雪

朔風吹天末
庭際集微霰
蕭蕭伴落葉
瑤華滿
幾旬以愜冰雪懷
一洗風塵面
千里結同雲
吳山如匹練
冥冥仰飛鴻
雙翼雲中倦

答友人

欲結荆高侶
金臺空白雲
悲歌人不識
獨立邈

無羣之子客中遇離愁此際分相期一尊酒同
弔望諸君

題家書後

觸撥離情拂彩箋秋風瑟瑟雨綿綿寒燈獨照
三千里前北江南共不眠
吟鞭遙指酒帘斜唱徧旗亭樹樹花忽憶風光
滿吳苑江頭燕子又還家

乍逢寒食客中情麥飯誰家隴上行如雪梨花
如線柳當年容易過清明

飄零莫怨竇連波每對青山憶黛螺錦帶書成

頻寄否天邊飛鴈北來多

送繆三武子南歸

倦客有歸興何當舉別觴盧溝一分手流水九
迴腸北轍計來日越禽思舊鄉三春頻望遠空
自折垂楊

獻賦不得志東風吹別人半年同病客千里獨
傷春芳草侵前路楊花亂去塵含情悲晚晚脈
對蕭晨

相遇復相送所嗟行道難別情散微雨一夜滿
長安斗酒照行色寸心依古歡關河從此去立

馬幾回看

送馮夔颺楚遊

芙蓉依綠水去泛楚江流五月別京國三年感
舊遊人煙漢陽樹山色武昌樓兩地相思處青
天懸玉鈎

客裏易徂暑天涯秋意微洞庭波欲起湘水薦
南飛人到巴陵戍書來白馬磯芳洲寒杜若香
氣襲羅裾

陳秋庭之官

悠悠去京國渺々向瀘川前路秋聲接離情落

日懸蜀中臨白帝西上近青天候吏迎旌旆山
城聞杜鵑

夾岸煙雲晚青衣水亂流桂輪山上月影落半
江秋客夢驚巫雨聽猿易白頭殊方莫惆悵風
物古梁州

昔種花千樹花蠻滿翠翹今來海棠洞何處酒
人招落葉三巴水秋風萬里橋望鄉吟小令天
末草蕭々

夔國成千古西來懷好音美人爲政日訟簡彈
鳴琴小杖賦筇竹春山聽漢禽公餘登眺外應

見浣花心

送方文翰之官澧潤

鴻鵠舉千里青雲同飛翻朝遊西山際暮宿黃
河源浴溪以爲飲琅玕以爲殮山川窮紆曲天
地知方圜高蹈出塵表不聞燕雀喧摩空欲何
依迴翔俯邱樊偶來園池栖非慕稻梁恩凌風
舉雙翮指顧通九閣高聆崑崙奏元聲流雲門
不見太液池上壽拜于官

送張二爾石刺平度

洛下歡遊日相憐如弟昆閒聽車子曲醉扣酒

人門春水官橋渡飛花江店翻田橫遺島近爲
我一招魂

秦時一片月高掛之果山清影入君抱餘光照
此間煙中遠郭靜琴外訟庭閒別後看飛鴈膠
河幾日還

懷宋四嘉榆

依然不得志五載鬢毛疎正挂匡廬席開君蒙
澤書生涯各歧路鄉夢半離居憶想葑溪上長
空流望舒

四海誰相識斯人知我心天涯逢令弟話舊一

沾巾聞道赤城去蓬萊碧海深爲期秋水闊予
亦返楓林

袁陽中秋

斗酒酌良夜金波入手流天邊一輪月客裏五
中秋叢桂還飄子長河不繫舟廣寒碧霄迴何
處是瓊樓

潯陽道中

晨發大孤山午及潯陽郭登頓綠林巒青蒼徑
參錯回：橋下水的：雲生壑曙風華故陰春
草紛有托臨水幾田家開門候東作鳴禽變舊

林初景明叢薄爲歎遠遊人隨風自飄泊亮懷
達生志聊果看山諾行役方早春江梅猶未落

香爐峰

昔夢香爐頂空中浮紫煙今來瀑布下天半挂
流泉遠寺鐘聲斷蒼山月照圓狂歌招李白雙
鶴下雲邊

阻風遊百花洲復逢故人

帆停得嘉遊別緒猶隔宿故人從何來坐惜芳
草綠絲：舊雨情脈：傷春日亭臺延新霽明
瑟散水木鳥語漏輕盈聲光蕩朝旭鄉遙感歸

假年錄 卷一
遲花落知春促岐路一分襟後期曠未卜明旦
發江頭流波繞心曲

采石

憶泛清秋月宮袍澹捲煙江山無太白遼落一
千年予亦騎鯨客來乘牛渚船登樓人不見春
水上青天

別裁首二句是投竄歸來後驚波弄月圓一
作幾共刻十二首四首橐中無二首詩異

晚步吳山同寶傳修撰作

巷南通曲徑蒼翠在人闌偶踏白雲去方知飛

烏還鐘聲涼引月江氣夕沉山回望古城下久
家半掩關

衢州

太末迢迢控越疆登埤曾此射天狼七閩烽火
連江表百戰河山弔國殤天際雨來嵐氣白人
家秋老橘林黃羊腸灘路頻懷古獨憶當年李
贊皇

秋江詞

離情瀉入秋江水一鏡涓涓照千里曉澄初日
暮飛霞送盡人間遠遊子出門何處不天涯江

頭獨樹幾人家蘆荻白花催鬢髮芙蓉紅泪惜
年華愁雲秋低下極浦化作千山萬山雨入郭
青帘濕不飛抱石寒煙凝半吐竹枝吟罷越江
多樓上調箏又楚歌楚歌聲比杜鵑苦能令青
山斂翠蛾秋風無情孤棹遠雨中古寺鴉聲晚
無端木落下三湘夢裏江南幾時返秋江滌洄
深復深此中時有別來心鄉書望斷砧聲急鴻
鴈飛過楓樹林淚字應粉字之誤

送友人之長沙

騷雅靈均地山川萬疊深此中多古意名士幾

登臨香草靈妃廟寒鴉楓樹林洞庭雲起處望

愁予心

北上同爲客南還不到家一身隨旅鴈十月下
長沙落木楚天迴青旗湘岸斜儻從笙竹驛回
首望京華

清江舟中聞鴈

亦有稻梁謀經時在客舟一聲孤枕落半夜楚
江流嶺外稀逢影天南空倚樓關河蕭瑟意嘹
唳入鄉愁

將之粵中作

豈慕遠遊好重爲萬里行窮居如坐井生事逐
懸旌去國衣初浣渡江秋欲生別離從此始回
首闔閭城

閒居方苦熱况乃下炎荒重以松楸戀而增風
木傷林間烏鳥集隴首白雲翔一掬思親淚年
年灑洛傍

對宇幾兄弟差池鴈序分百年曾幾日岐路失
同羣春草遙飛夢秋山獨望雲家門陵替久努
力誦清芬

空有天人目貧家事事難又爲萬里別頻失十
年驩茂翰勞徐淑蘋蘩仗季蘭南飛有青鳥早
爲報平安

洪州感舊

萬里南征客重經桀閣邊江山如昨日客鬢已
中年磨滅題名柱飄零載酒船因懷舊遊侶一
鴈入吳天

對月

纖阿無私照應節懸明珠藹々林木黯清光上
衣裾悵然懷遠情涼風送巴渝淒々奏巴渝宛
宛成吳趨商聲入遙夜耿々明月孤鄉關日以

遠景物日以殊咫尺不可見况在天一隅感彼
徑寸光能照萬里途願隨片月影因風還故都
天高不可越地遠不可徂夷猶至中夜空林啼
夜烏 渝非飲字之誤

題浯溪

浯溪一片石長寄幽人賞蘊靈亮有基穿徑識
所昉昔遊景已移勝情紛涉想重來際蕭晨清
湘駐雙槩初日澄遠心永木明秋爽石梁欹半
橫絕壁峭以上曲徑垂繁陰流泉激清響當境
乃自今過目已成囊寂寞塵外踪日見履幾兩
高秋多白雲空亭自來往

冷水灘

客鬢逢秋色孤舟滯楚天江空先得月山迴易
生煙暮節胡笳戍哀音錦瑟絃杜蘅頻自采將
以寄嬋娟

零陵

江上水楊柳秋來發幾枝離離似畱客嫋嫋動
相思白石零陵郭叢篁湘女祠殊方有風景不
惜片帆遲

同緘庵學士遊白龍洞

龍之去兮自何年傳來古洞深無邊陰厓白石
列齒，中間有徑可達仙巖前當時春煖抱珠
卧凌空噓氣成雲煙曾經指爪鱗甲所栖息窟
中之徑路猶夭矯而蜿蜒行行忽墮三里霧溷
雨暗滴飄風旋窮陰咫尺不可見意象恍惚疑
重淵以火來照景光出始知此地別有佳山川
石筍拔地羊角立青城信杳空復思遊仙入之
漸深路漸仄似聞淺水一道鳴濺濺欲前不前
轉悵惆木魚半榻方安禪博山尺木渺消息洞
門開處桃花然龍來幾時作雲雨便欲騎之飛

上天

題長松銷夏圖

咫尺隔煩暑悠然靜者心微風生日夕掩映蒼
松陰樵響有時至白雲相與深始知長林下可
以結清襟

題少陵戴笠小像

不盡蒼茫意依然獨立中如何燕市上恍遇杜
陵翁才大時難用名高道易窮憶君流轉日子
亦感飄蓬

昔賢不可作畫裏爲招魂白髮浮湘水朱顏老

劍門九原如昨日一笠自開元海內故人盡茫
：誰與言

欲問當年事其如感慨何生虛唐相業死傍楚
江沱文采流三賦飄零寄七歌側身天地外空
見亂離多

戴笠何爲者猶含失路悲三秦西望苦八月北
征遲家國平生淚江山老去詩秋風入東壁吹
上鬢邊絲

歷下春遊

古城煙景逼花朝一抹青山手可招染出裙腰

芳草色踏青人過嶧華橋

義旗銷盡碧血紅肅肅風悲松柏桐漏卮湖波
尚含怨何人更唱平陵東

一片明湖春水香新亭竹木未全荒鏡光倒影
青山入齊斂蛾眉作晚妝

鵲山湖畔草芊芊煙雨雙峰思渺然傍砌梨花
近寒食東風爲憶泰和年

泉聲灑灑繞庭陰五色遊魚花木深自是濟南
山水地城西畱得好園林

春風吹上木蘭舟十里煙波碧玉流山外一聲

明月吐美人絃管在高樓

題長松箕踞圖

巖下松何青蒼矯，不與時低昂誰與倚者其
王郎科頭箕踞以見志衆中遇予覺小異因君
盼睐重君意何以報之乃有三歲不減字

大雨過仙霞諸嶺三日淋漓困憊甚書之志

路窮也

自我南征三度仙霞感時傷往視此鬢華猶然
迫行邁感靡有涯終朝苦登頓一步三咨嗟
忽而山風起天末吹作秋雨百道紛如麻未知

攀躋所終極但聞半空人語聲嘔啞念茲懸厓
路滑劇鳥道一落千丈骨肉爲泥沙須臾凌競
下峻阪屹然奇峰對面堆煙巒根連蒂散虎牙
錯一徑詰屈千迴盤乘雲上天去天咫尺凜自
怯衣裳單車中張蓋雨不蔽天風障之飛且翻
恍如兩翼習習生羽翰身輕便欲飛上浮雲端
况乃漫山毒霧合昏然四面疊疊封重垣吾聞
仙人之霧僅五里何爲側身天地萬里愁迷漫
中心惻不寒而慄如墮重淵安可得出積雨
霑濕侵肌膚林中隱叫僕天宵來即次杳難

問當面咫尺成岐途鄉關綿邈幾千里縱有疾
苦無由呼困思眠饑思食歎爾勞薪幾時息深
林愁聽鷓鴣啼一路聲聲行不得

醉中放歌

秋風雲散天沈寥打頭落葉排江臯人生有情
戀儔侶哀鴻噉之求其曹我獨何事凌波濤皮
骨三年走南北妻奴四壁聞啼號少年志氣射
牛斗五十尚未麾旌毛君不見明珠徑寸光照
乘世人一擲輕鴻毛哀哉時命安所逃我將飯
牛高唱南山操短衣射虎垂弓弣聞鼙殺賊揮
陌刀歸來痛飲傾蒲萄眼前風景何蕭騷杜陵
白髮歌貧交移山意氣何其高結交當結扶風
豪

白沙驛

鸞鶴踪難覓寥寥誰與羣孤懷入明月吾道一
浮雲夢裏家初到天涯秋又分客船連夜詠不
見謝將軍

題李客山秋林橫琴圖

希聲窈何處開卷似聞之會意不在遠對君有
所思晚風雙袖薄一葉下林遲流水日相引遙

從海上期

雨霽閒眺

端居澹無慮，彌覺雲日佳。
野鶴一聲唳，楚天微雨來。
庭陰新綠淨，池上孤花開。
浮雲歟而合，青山安在哉。
雨過不須臾，好風入我懷。
夕陽返西照，急影殊未頽。
披襟獨延佇，爽氣生平臺。
悠悠觀物理，往者豈無回。

出峽圖

灩澦瀦如牛，瞿塘大於馬。
灘頭白勃吁，可怕人生行路何爲者。
挾雪浪以橫飛，忽從天而來下。

倚舷安坐眺層巖，使君於此處不凡。

題黃鶴樓

我生未識黃鶴樓，鶴飛人去三千秋。
眼前鸚鵡向誰語，但見大江日夜東南流。
司勳七字在上頭，乃今謫仙過之不復作。
楚謳使君登此頻，夷猶寫以丹青開雙眸。
靜觀萬象窮冥搜，葉葉之帆下樊口。
青青之樹仍芳洲，終朝望古何所求。
二子有靈何不乘雲遊，當其興酣高歌落筆一揮灑。
騎鶴之人翩然而來下。

古歌

秋風蕭蕭愁殺人，愁何來情所櫻逝，欲忘之移時復生，鬱累之而難平，況復感秋節，孤懷亦已盈。離家未爲遠，蕩子幾時返。白首逐飄蓬，空驚歲華晚。

題邵峙東仲蜀圖

畫裏見西川，千峰莽接天。朝來拂東壁，盈手生雲煙。中有采風節，而揮叱馭鞭，使星行入蜀。曾紀永元年。

不盡巴渝景，羅羅宛入圍。山光橫馬首，秋色上行衣。何處鶻聲起，應催客夢歸。登高望吳會，冉冉白雲飛。

西園老樹歌

碧雲自西來，團團如車蓋。能令白日不到地，時有清風起天外。看雲終朝雲不移，乃是隔墻老樹濃陰之所垂。其勢攫拏體臃腫，俯帶亭子臨清池。枝葉葉疎復密，下下高高參以差。橫空側出一百尺，蔭占廣廈三間基。根蟠厚土飽霜雪，骨象犖确鱗之而夜黑作聲嘯。風雨宵分流影搖階墀，我初疑此何代物，招手問人火不知。自非千年精氣發，光怪何以離離質。幹化作海

底黃虬螭舉頭望古意遙集知其封殖定在元
和時想當韓公謫居來守郡此樹已得相攀追
煙晨雨晝月之夕興寄亦或歌於斯曾經哲人
所拂拭至今卓爾獨立不待神扶持我來潮陽
公不作每於樹下俛仰思容儀往來摩挲步伯
匣精靈彷彿如遇之咄哉樹乎爾獨奇八壽幾
見登期願爾今所閱人代何窮期棟梁不上洛
陽殿斧斤奚有於工師滄桑回首直旦暮俯視
將相皆小兒名花珍樹所見半天折爾猶得以
偃蹇高卧留此青蒼皮古云願以不材老爾維

善保堅貞姿歌成老樹三歎息誰其識者其昌
黎

閨重陽前一日玉彥招飲菊下仿少陵體戲

成一律

綠軒尊開琥珀濃況復籬菊多秋容佳名自愛
九月九暮節恰見重陽重炎方是夕北風起看
花有客彈冠從明朝萸酒那辭醉醉來入海騎
蒼龍

秋夕步池上

一水出煙際悠然識秋情夜靜見流光攬之徒

盈之涼風起林木池上微波生中虛物自容意
澹塵亦輕皓月浮素魄凌波濯其晶寥汰元氣
入天地爲之清予懷適與會竟夕涵空明

贈林郡伯西注

片帆方北至五馬自東來久別成傾蓋深談當
舉杯誦予湘水作不覺雨聲催懷抱老而盡因

君一夕開

高誼層雲上新詩秋水清故人黃叔度同話五
羊城海內幾知己年來倦遠征巾裾儻相接一
與定平生

得學子書

浮雲滯吳會廿日望行軒小作鑿江憇瑤華忽
見存開緘照顏色絮語驚心魂永夕懷知己多
情月到門

心結三巴路雲來五朶斜繙書愁欲減覓夢路
仍賒老去偏思舊窮來那戀家孤踪失宗主惘
之任天涯

哭風衣

異才不世出曠代猶翹企況我平生親地遠心
則邇緬維孝友風雅擅文章美經世兼有懷河

渠洞原委高義薄層雲揮金等敝屣汪汪叔度
波對之消吝鄙人倫有總持門外多轍軌長淮
一涸潤索莫以千里我來撫靈床痛哭問天咫
庶類盡含生而今此人死

結交賢豪間駿馬金臺馳君家故多才同訂車
笠期投分日以深情好久不移醉眠每共被擊
節高歌詩廣寧一分手山川遂間之過淮扣其
門乍見旋復辭飄蓬無定所老去戀故知今來
覓同氣舍我忽若遺音容如在目一往不可追
餘生能有幾長抱無窮悲

竹素園詩選

東吳許廷鑠子遜著

憶昔行寄萬育

丸無停駒過隙當時顧之不甚惜從今回首一
溯維但覺百端縷縷心頭積與君結交方盛年
黃金臺畔多豪賢雲龍相逐意氣合寧問王後
而盧前一時公卿品目指姓氏皎若景星慶雲
之麗天黃鐘曾不及瓦釜有才無命終奚補空
見文章懸國門誰令黼黻登天府我舉杜若下
建陵君亦入秦探石鼓春官四上搜遺珠一麾
海嶠分銅符隻手曾當萬人敵犯顏卒保千家

租音塵幾絕別離久剝啄開門欣握手是時中
庭梅正開劇談深夜傾尊酒無端楚越各分飛
雖有敝廬不得守今年君泛吳淞舟攜來卷冊
銷伯憂理窟直追白鹿洞風光雅近岑嘉州我
來玉山歲行適君爲置酒羅嘉羞飛而食肉巨
壑投酒酣耳熱興飈舉五嶽欲動日返輟座中
王生亦佳士逸氣滾滾長江流把予新詩發高
唱聲震林谷盤雲頭招手引之不肯休殘年乃
復得茲會令人却想南皮遊卅載交情無所隔
相對俄然成太息田園失計徒四壁奇才自古

多草澤有懷未舒空鬱抑我今老矣將何適
爲歌行歌憶昔

題心鑑上人寫真

石不語兮齒之何雙跌而據于此飛泉作練數
道流橫瀉吳淞半江水水聲激激入空明冷然
遙契無生旨夷猶乃忽見前山鬱乎鱗兮雲
乍起

對酒歌

狂風吹山山忽頽戈揮魯陽西日迴上天下地
何不有恠事咄空拍手數奇飛將難封侯謫

仙薦賢翻長流上車不落爲著作白面書生推
將略人生時命自古哀蓬蒿枳棘埋奇才時無
識者老不試懷抱經綸空入地白駒逝矣無停
波拔劍四顧浮雲多吁嗟乎王侯將相復何有
且盡生前一杯酒

淮陰侯釣臺

無雙國士世莫知直可偃蹇終於斯城西若令
釣徒死楚漢何自分雄雌塵世寧論鼠與虎往
事茫茫自今古報德千金尚恨輕饑驅一飯空
無主市上少年甘見欺殿中絳灌羞爲伍擁兵

不舉山東旗末路乃伏鍾室斧遺恨因君欲問
天西風斜日下江浦英雄自古多可哀人生何
事負奇才千年魂魄應太息悔不垂竿老此臺

題栖霞庵雙忠祠

秋風肅々木葉翻悲歌欲弔雙忠魂仰瞻廟貌
颯以爽陣雲忽起白日昏是時東南傳檄定國
已無君奉誰命區區兩尉獨奚爲義激兵攔熱
血逆彈丸小邑何所依乃以螳臂而當車可憐
陳公首倡義經營戰守心焚如遂迎闔公衆曰
善登壇指揮壁壘變甲兵十萬羅心胸部勒能

驅市人戰梯冲火礮百計攻扞禦隨機咄嗟辦
軍聲日震士氣奮江上孤城當一面誰歟温言
相勸將或爲侯伯爲平章誰歟長跪再拜請昔
之節鎮元戎行登埤慷慨申大義聽者泣返顏
恓惶嚼鐵相持力以竭援盡何堪糧又絕紅光
起處城忽裂數窮乃見孤臣節壯哉陳公氣若
雲闔門舉火以自焚閣公負傷戰益力殺人如
草何紛紛刺脛血湧抗不屈大呼速斫通宵聞
斷頭而死且笑此城豈有降將軍噫吁嗟乎
袞高牙與蟒玉臨難乞憐如蟻伏若非巨手
扶天網空見頽波沈地軸萬鈞之重一髮繫日
月爭光常耀目獨歎皇天畀此不世才聞鼙何
不爲推轂狐狸登朝麟棄野坐致運移明社屋
此時回首睢陽城千古英雄同一哭

海藏新方丈落成

丈室翬飛出新築北望樗齋煙水泐殿頭昏旦
送鐘聲空外依稀聞擊竹西窓敞處一舟橫頗
似牽來岸上宿自錫所卓氣象回平地指顧成
樓臺前春禪堂建去夏山門開眼前朗々忽復
睹此數間屋抑知經營締造實乎其艱哉憶昔

開山有諸祖座下傳衣半龍虎承承堂構力仔
肩心鏡長明震法鼓宗風遠溯已閱十餘葉寂
寂何人繼其武吾宗開士出羣雄咄嗟肆應才
何窮皎如扶桑上初日至今重建中興功歸來
相訪步林樾正是環池藕花發消受紅蕖面面
風身占山河地十笏

五月十六日皆人別後對月却寄

明月吐清光依依上屋梁故人分袂去今夜宿
何鄉既見各驚老爲歡奈不常到日能相憶其
無惜數行

題皆人嘯莊詩畫冊

嘯莊匪天外畫裏生遠致春秋有佳日卽事多
所寄境幽詩亦殊冷然絃外意自非此中人無
由叅末契我行忽攬之低徊不能置昨夜月微
明依稀至其地

九日道中

幾度黃花色蕭疏非舊鄉明年在何處今日是
重陽於役迷雷渡登高感雁行孤踪空渺極
目五雲長

張孺人傳後

身爲鹵夫爲奴命如一線懸須臾夫君垂間得
走脫還而大索聞無有虎視耽怒且吼榜之
掠之不能得所在烈燄炎炎灼其背備五毒無
一言至今談者驚心魂嗟哉瀕死竟未死兇渠
纍之尸諸市

題黃大樗像

蕭蕭鬢髮將成翁終朝操管非書空悠然據石
自伸紙梅花一樹搖春風立石稜水泉瀉此
中好景誰爲寫蒼松虬結作字形亦知下有臨
池者

中秋踏月歌

悲中秋去年今夜雨打頭扁舟昨泛玉山郭夜
雨潺湲雨連脚籠煙挾霧終朝飛飛來蓬底露
人衣午餘一角青山出白日當空雨初畢百年
佳節對月難會須酌酒相追歡晴光漸暝太陰
結雨絲向晚飄不歇樓頭絃管空復吹家家興
盡望亦絕忽而浮雲一掃萬里開海中飛出冰
輪來咄哉此景誰能猜仰天大笑傾千杯清光
照徹天地曉凌風直上金銀臺嗚呼世間萬事
返覆無時無君獨不見今宵之月乎

題程自三逸園圖

太湖煙波三萬六千頃金碧芙蓉浮倒影誰能
傍之以作園湖光入戶山當門人間那易有斯
境得非閩風之苑東崑崙蒼蒼西磧落遙翠伊
人居之已三世坡池榭亭閣漸而增着引
人入勝地是何妙手寫作圖因風寄我東海隅
煙霞山水有夙好對之不覺生長吁自笑一身
流轉天涯路郭西有佳處二十年而不知不一
顧歸而訪爾於山間會須小涉園中趣

桂之樹行

桂之樹桂之樹桂生一何扶疏揚花而舒葉當
秋八九月芬香襲襟裾又聞此花托根自月中
曾經常娥纖手摘伐以仙斧歲歲彌青葱酌美
酒倚樹根氣馥郁兮如醺天風忽吹花紛紛仙
之人兮遨遊而乘片雲從之再拜授靈藥逍遙
以與陵陽羣

聽琵琶贈賈生

簾外雲低黯林薄銀甲輕調聲間作忽驚淥水
四條絲東海飛來白翎鵲
何須秦女撥箜篌賀老當筵未白頭借得蒲萄

成一醉好憑絃索唱涼州

渡江

酒徒席帽又扁舟江上風光入遠遊濁浪迴時
飛鳥夕青山缺處片雲秋懷人正值初三夜名
士還思第一流對此茫茫更無語雁聲嘹唳下

汀洲

上灘歌

天柱欲上舟屢回水面百級高崔嵬浪春石窟
噴飛雪三十六灘哈呀開龍鈎羊角混沌死黃
公梁父灘聲哀冰厓層鐵怒崩薄先春殷地萬

壑雷吾聞共工觸山華不折渦盤坤軸東南缺
至今海蜃射沙影行人骨碎鼻欲蜇當年女媧
手鍊五色石何不移之補地裂洪爐鑄鼎分九
州耳貫鐵索神奸收便當鐫刻魄壘作平地壓
勝鎮以三犀牛豈令白浪歷々排戈矛鳴張恠
鳥側翅飛却顧嗟爾舢舨那得渡牽船泝逆流
十上九欲仆易戒入坎凶呼吸爭一錯濤冲齧
齧磨雲顛倒從水底掀青天迴波掀漩十丈落
射雕白羽初離弦恍惚百戲魚龍環馮夷宮中
擊鼉鼓虎豹騰踔當雄關况乃荒煙密箐虺蛇

伏磨牙吮血深林丹江昏瘴黑鬼母哭六月不
熱陰風寒令我聽之惻惻摧心肝人言水中之
險在呂梁更有九龍擺尾作雲霧黃牛白狗蟠
瞿塘旋螺翕忽蛟鯨起吞舟巨口鱗鬣張我生
何爲歷此地側身北望長懷鄉猿啼三聲山雨
滴得不淚落霑衣裳行路難嗟味央驚灘行盡
水清泚照見客鬢生新霜

晚抵袁陽

渺渺袁陽渡四山煙際冥燈光搖水碓塔語亂
風鈴對雨高城夕聞笳客鬢星明朝望鄉處天

半有孤亭

返洪都

流轉自何日飄飄去不歸重來如故土久客綻
征衣朔氣夕方覺殘燈夢已稀年年杪秋月空
送雁南飛

秋夕

天空孤雲滅颯秋向夕飄風無定葉旋轉何
所迫衣裳忽已單仰見霜露白故鄉一水間渺
千里隔思隨晨風飛猶滯周南迹盛年去不
迴長爲遠行客

登吳山第一峰

吳山高高乃一千尺蜿蜒北折亘地脊萬家煙
火掌中圻一點鴉飛破空碧江風吹雲盪心胸
海門鎖鑰何時封隔江帆影入天際越中亂點
青芙蓉亭臺夕照射金色人家老屋懸蒼龍怒
潮不拒北來馬落日遙聞南岸鐘回頭塔影煙
中宿風光盡入西冷曲娟娟碧月泛玻璃西子
湖頭秋水綠秋水淥秋葉飛湖頭江上行人稀
秋來時有故園夢城角砧聲思授衣

晚歸自湖上

閒行湖上路人家方夕時山缺漏寸璧湖心吐
半規雨餘宿煙薄秋淺涼飈遲美人隔雲端曠
望長相思臨流采香草以結千里期

桐廬道中懷嶺南諸同學

桐廬秋氣老對景懷故羣故羣今何在遠隔嶺
南雲滔滔南下水望望幾千里落日不待人煙
凝暮山紫客袂幾時垂思之亂我懷垂楊故園
陌芍藥長安街良無晨風翰書來每三歎一從
楚粵分兩載音塵判流雲傍危柯飛蓬思舊科
相逢自有日人壽復幾何明明天上月兩地各

圓缺昨夜夢思君朝來鬢成雪蚤晚弔湘纍因
過陸賈祠見時問江水知我長相思

衡山謠

維嶽奠離宮火德應赤帝昔昔夢見之來遊及
其地隔山十里非天高欲往從之煙霧交白日
既落增波濤側身南望心徒勞有何真人冠絳
幘招手邀我同看五色石山勢向背何鬱盤青
林蕭森蕩精魄凌空紫蓋張其前吐花不落芙
蓉鮮上有七十二峰恠石之參參下有三十八
流泉玉之濺濺朱方雲氣帶火色何似赤城霞

起萬丈燒青天紅霞燒天之欲傾乃立八柱落
落叅錯而比肩丹衣之童啟闕而相迎云是朱
陵洞中之老仙羽衣疊舞奏仙樂如花玉女彈
冰絃開壺酌我琥珀酒冥然一醉三千年醉來
天風吹我去飄飄身到滄溟邊煙兮霧兮開星
精雲中啁晰天雞鳴羲和驅鞭日輪出一飛海
底飛上清海波光搖六合動似聞扶桑之外萬
里苦熱啾之聲我騎火龍捫天日俯視脚下青
雲平覺來已失衡嶽路一輪初日當胸明

衡陽至日

我來望衡九面斜孤帆流轉湘之厓洞庭天高
木槩下回雁峰頭啼暮鴉七逢至日身為客鬪
酒新交二千石南山射虎臂還強東海騎鯨頭
欲白歲行盡矣心不開合江亭外望家山明日
蒼梧問前路白雲何處天門關

湘中曲

洞庭南來湘水深望湘亭邊斜日陰雲中帝子
降何處瑟瑟猿啼楓樹林
瀟湘兩岸斷霜蕪千里征人望月孤忽聽湘靈
鼓瑤瑟白雲一夜滿蒼梧

黃陵廟古曉煙蒼江水環流碧玉香流到九疑
山下路清湘先折九迴腸
楚澤靈均渺嗣音西風吹亂女婁砧前山雲起
感遲暮一夕美人湘水心

七星巖

山開百粵元氣泄莽如春雷箭怒茁桂林城東
轟虎牙人道七星相拱列掖垣十二護羽林地
逼紫微作喉舌不知何年隕于此墮時萬里愁
雲裂天柱拔地璇璣翻爛石光搖化喘嶮浮嵐
丹碧飛層霄巖壑清冷激冰雪玄元古祠翼其

上風捲靈旗紛暮節頗疑天上青芙蓉半落花
不玉繩結支機之石天河槎此事須問若平家
匏瓜雙星手可摘白榆蒂脫飄如麻衆星歷々
環相向何者是主是客耶蒼龍當闕虎上直咫
尺條爍迷煙霞仙之人兮立冠珮雲中大帝迴
鸞車夜深霧起七峰小北斗錯落叅橫斜

廣州

天地一萍葉隨風下廣州已爲萬里客更上五
層樓海色明帆影江雲斷越謳高城連夜雨有
夢到羅浮

朝請通蕃國提封挖重關嵐迴庾嶺合水入虎
門環虞苑今何有仙人去不還獨餘羈客思長
對白雲山

曩憶談南海今成滯粵鄉樓臺常作雨風月不
知霜荷氣生香浦苔衣上螭墻雙鬢蕩舟女猶
是喚珠娘

南越成荒草高臺自漢時代隨流水去人抱長
年悲浮綠傾椰子含津擘荔支歸裝非陸賈多
事百篇詩

送陳大樹滋北還吳中

洛下三年別天南始見君中還阻行役歸復悵
離羣度嶺正徂暑掛帆隨片雲枕榔亭畔路執
手對斜曛

未得同歸去寒潮日夜流眼穿羚羊峽心逐東
吳舟愛弟已零落故人還滯留招魂幾時返淚
盡闋江樓

各抱千秋志俱爲萬里身題橋如昨日華髮已
成隣猶有陽阿曲能回瘴海春明年鳳城道遲
爾建安人

題沈靈洲秋林覓句圖

漾漾水上雲渺渺秋江榭古木帶斷煙寒鴉噪
暮節板橋流水間一角遠山缺幽人步疎林俯
仰何寡次會心不在遠象外得所悅冷蕊上
音天際飛鴻滅

和陳鍾庭學士送春詞

客緒春深似繭絲新鶯啼徧落紅時城南誰唱
情人曲碧玉分明見一枝

江雁無端又北回曲欄微雨杏花開十年已斷
尋春夢更遣街西小杜來

粉痕狼藉幾枝花九十風光是夢華春事已闌

人中酒玉鞭斜墮孟珠家

忽忽傷春易白頭鄉心渾是望并州土墳已過

清明節一樹棠梨照故邱

柳枝十五碧慘長帶含煙拂巷南綰得一分

春色在泥人小袖擁雲藍

王孫歸路馬蹏青惜別風懷倚玉瓶芳草滿天

人不見一聲長笛夕陽亭

曾吟囉嘖向斜川事逐春歸散曉煙今日棟花

屈信裏依然人坐賣錫天

山低愁黛濕青螺開到將離喚奈何流水無情

桃葉晚天涯清怨一宵多

渡黃河

出薊門而南轅旣車怠而馬煩望淮河而不渡

駭濁流之崩奔爰有狂叟命楫而相招時當朱

明氣蒸鬱雷震天鼓鼉鼉驕忽而急雨亂激射

萬弩齊發安所得逃風轟以吼怒浪湯湯以

湧濤舟中之水手可掬一葉轉側隨風飄臨流

三歎身輕鴻毛乃思田園良可依廬墓永相保

親故無乖違嗟爾遠遊之人胡不遄歸垂堂用

戒行路難歌未終曲淚沾衣

望洞庭懷子大舊遊悵然有作

昔有人兮望湘亭手搴香草弔皇英揮毫明珠
落天半上映七十二峰秋月明詩題白團扇寄
我話離別兄弟情深憂患餘循環洛誦增嗚咽
出入懷袖間藏之三歲字不滅伊人今已登蓬
壺我獨何爲在長途經過吾子舊遊地愛而不
見仰天搔首而歌呼洞庭之水蕩雲目元氣包
絡星沙區軒轅張樂鏗鯨魚至今恍惚蛟龍趨
氣冥冥以黯慘神脈以俱徂雲中之君兮翩
而來下金支翠旗照耀十丈之珊瑚微波起

兮木葉下秋風嫋嫋兮望中之青山窅然而孤
離騷變雅激哀怨千載而下兮猶有吾徒棹夷
猶兮日將暮曠思君兮躅躅乎中路歌成仰附
北飛鴻身逐行雲且西去

釣突泉

涓涓水環爽鳩散作飛泉七十二瀉地各自東
西南北流一泉湧出自何世名以釣突氣尤厲
奔騰疊浪不到海的礫明珠空擲地冷然射影
侵毛髮盈手清芬壺可挈三冬殷激破山雷六月
翻飛少室雪是誰地下揮神鞭驅而噴薄石

骨爲之穿奔鯨發聲鏗冰絃橋頭一聽成華顛
仙之人兮去千年月明夜夜風雨生長天

題徐孟鳧小影

朝來讀畫呼咄咄中有一人赤雙脚羗右杖而
左簞矮屋莫能安燕雀桐食離離供鳳殮笑揖
青山共然諾即而視之坐者誰乃是城北徐君
科頭箕踞之行樂徐君乎徐君我識之十年名
重蓮花幕南朝宮體帶西崑明珠灑毫端落
燦而胸中醜壘欲刻不平狡獪爲圖成虐謔
人寰雖廣未屑置此身絕類而逃將有托吁嗟

乎男兒墮地豈逐碌之轅下駒雄文終照青藜
閣偶然投筆萬里取封侯尺繩手把樓蘭縛不
然寓我形兮山與水枕流兮洗耳漱石兮礪齒
江東尚有少微星萬歲千秋畱姓氏吾儕義不
食嗟來安用吹簫入吳市英雄縱使慣欺人徐
君得毋小過矣

冬日訪黃二宮允石牧不遇因題庭中小山
以當寄懷

訪君西來歲將還披帷不見見小山空庭累
幾卷石恍然置身邱壑間斜斜整高復下遠

意可望不可攀由來達人愛空谷興寄吾知有
所屬咫尺自具千里勢半角非不能滿幅一生
卷舒道隨時百歲孤光鳥過目偶然遊戲悟劫
堂何異避人成小築予今顛顛七不復堪相思
時復思清談安得與君披襟把酒共倚石小山
招隱賦淮南

湘潭道中有懷張三豈石

倚棹覓香草蕭蕭荻葦荒空舫南岸雨相送下
瀟湘好友隔煙水楚歌非舊鄉殷勤問來鴈何
日到衡陽

秀萬再至得黎九爾立書一日三復感其鄭
重之意遂成長歌寄之

自我不見于今九年山川間之方各一天人生
幾何會少離多憂來無端鬱而成歌我歌以寄
子爲付平川李開緘識我別來情涓涓不斷東
流水憶昔相遇謝公樓君家羣從同追遊一枝
瓊樹臨清秋談詩說史與子十日互傾倒忽
不覺膠漆之契從茲投樂莫樂兮新相知悲莫
悲兮生別離浮雲東西散爲雨至今羽翼還差
池況予饑驅涉汗漫飛蓬無際隨風馳三十六

鱗曠乎其不接有懷欲吐亦曷由而致之釣鼈
忽到東海頭人言綺錯鄰三洲頻來小阮通問
訊道君念我飢如調深情纏絲結不解聽之腹
中輪轉環而周人生得一知己可不恨所愧拳
拳厚意何道之能酬吾今老矣畏離索每別輒
作數日惡對此盈一水閒兩地相思勞望若
爲問別來懷抱鬱幾時開安得天外好風一
朝吹汝來

張若園辭官歸乞詩甚力因敘舊遊談諧間
出遂極跌蕩之致苟非賞音勿以示也

秋風八月吹菰蘆欲歸未歸心鬱紆因思君才
齒當壯拂衣而去何爲乎君言士各有其志於
此可以明區區廿年三仕偶一得微名幾達天
之衢上官稱揚僚友賀人言四十朝大夫好事
垂成屢報罷我生有命今焉須聞言不覺三太
息先幾高蹈真良圖從來世網糾牽結不解終
身局趣轅下駒苑枯之理如轉轂失勢一落何
人扶識時務者在俊傑哀哉戀爵何其愚百年
如夢鳥過目今不作達流光徂唯君頗有晉人
致落拓不以形骸拘逢塲記曲月下飲興來擊

節頻歌呼雙眸炯之不及遠看花霧裏愁模糊
雲鬢粉頸出復沒望中嫋嫋皆羅敷悄頭未着
先脫帽修容自捋鬢之鬚若逢虐詭王郎作狡
獍當今四座纓絕成胡盧風騷相賞在吾徒時
復過訪韓山隅咄嗟命酒開荒廚哦詩未了更
談藝沈沈漏下聞啼烏海東三年幾相見浮雲
一別分岐途昨朝將出客忽至攬衣牽袂行踟
躕已而不顧掉臂去二子堅坐當日晡欽欽歷
落雖可笑此主此客今時無入之世說作嘉話
歸來與爾話舊傾千觚

題沈子正香草詞

秦娥簫咽可憐生流出南唐意外聲未免有情
忘不得一池波皺却關卿

手披香草正花朝廿載西湖入夢遙句裏牽人
舊風月天紅開到段家橋

騷人老去託詞場每聽清歌欲斷腸花底盈之
春尚小十三能瘦沈東陽

三山別去又潮州南浦將離各白頭扶醉儻尋
仙掌路柳梢殘月曉風秋

寄日下同學

乍返津門棹忽：赴海東去留同作客身世一
飄蓬顧影時將暮迴車路已窮心期那可道矯
首望秋風

懷古歷亭下春風蕩槩餘歸從博州道復此雲
門居前路渺難問故人日以疏儻緣雙鯉便爲
寄一行書

武溪感懷寄故園諸兄弟

襤被今何適秋風下九龍巖疆三省接殘堞萬
山封格鬪人相尚儲胥戶罕逢到來無別事買
犢勸春農

何意成小草飄零瘴海濱拋殘鳴鳳筆來作種
花人綜叢才誠拙昂藏性未馴多慙少遊語浪
泊又經春

夙奉先人訓傳家清白餘有心勞撫字無夢到
苞苴破屋枯禪榻荒廚涸轍魚爲憐噐訟俗手
著諭蒙書

地接猺黎穴頻年事鼓鼙賊殘遺壁壘村破半
鯨鯢保障資良策招徠覓舊蹊撫時因起舞未
敢厭荒雞

化俗才何易澆風多是非每懷東里惠豈慕北

門威路少豺狼迹庭空鳥雀飛韋丹猶有岫治
行本同歸

長負雞豚願松楸淚滿襟當門垂素約捧檄痛
初心蠻瘴化蒸鬱煙嵐流毒淫玷鳶天上落腸
斷武夷吟

親故經時別知應憶遠天渡江猶擊楫攬鏡已
華顛祿薄分虛餉時艱難自全鄉園頻入夢空
說買山錢

本非鸞鳳質枳棘亦堪依錯節希呈巧瓊花詎
療飢斯文爭命達吾道與時違仰屋中宵歎惟

思早拂衣

題玉華洞

誰知天上玉能吐青蓮花根聯散密葉蒂結敷
鮮葩欽空懸玲瓏穿穴森嶮岬天出碧遙映雲
中瓊茁芽所以世上人呼之爲玉華崗迴漏嵐
翠片片披餘霞所嗟勝託邈蔓草紛如麻洞中
竈火冷巖下楸枰斜時方急行役未訪仙人家

飛雲巖圖

雲飛本無心曷以名此峰遂有探奇客蠟屐來
相從愛茲浮巒峭舉勢飄渺俛視高低衆山小

豁然四望天地空萬里孤光入飛鳥雲兮雲兮
安在哉須知飛去還飛來於時獨坐已忘言杳
然別自有天地猶令他年讀書者飄飄忽起臨
雲思

前緩聲歌

木鷲胡然而上天逸翮胡然而墜淵雖有意氣
不能自前誰爲爲之心慊未敢逢人言當復
思日可以返舍水可以西流何問薰蕕但以得
時而適長歌復短歌欲令皇帝陛下千萬歲

灘江謠

一路江頭明渚沙鱗鱗淺水不勝槎灘痕曲折
作之字碎石欽欽似虎牙

纍纍灘石閣船頭石罅裁餘一寸流從此涉江
不用楫全憑雙手去拖舟

一日三灘未得過輕舟鑿入盤渦上天有梯
直欲上下灘無水奈君何

桔槔聲聲夜不收稻苗焦禿怕逢秋田家落盡
千行淚不得江頭一滴流

終朝石上足蹒跚晚來酌酒勸加飧爲語長年
須努力前頭一百五高灘

脣焦口燥過灘遲半日曾無一步移若道行船
苦風浪江頭多少弄潮兒
越江水碧楚雲黃其雨家家怨夕陽安得銀河
手中瀉輕帆三日下三湘
五日無雨不通航十日不雨河畫疆斷絕吳頭
楚尾路人間應少遠遊郎

章江乘風早發直抵臨江郡

長風從天來吹我蒲颿開奔流竹箭歟忽而過
洪厓江間激浪高灌日其聲滾滾一何喧
鬼神驅送之亂擊鼉鼓聞驚雷豐城在眼忽

不見人家雞犬隱已近臨江隈自從舟行苦
水涸沙石細碎十步一折拖舟而徘徊風颿儻
假鳥傳翼奔流直到扶桑國十州五嶽須臾間
何爲鬱鬱苦逼仄擊楫歌日已昃收帆且復休
爾力人生爲樂安可極

李天成以畫像乞題恹然有作

客從海上來寄我畫一囊披圖感疇昔因之增
慨慷憶昨相逢裁弱冠桓桓有力而強幹然諾
期追俠士風肝膽如雲照人面赴義青州冒雪
來短衣負米供親膳以茲相賞在風塵結交相

得歡無間萍踪忽忽各岐途予亦蹉跎成老夫
傳來頗得計然策薄田二頃宅一區階前况有
萬金產皎々玉樹森雙珠轉眼滄桑變何疾往
事紛拏不堪述多君能保歲寒心五十年來如
一日老去傳神託畫師素琴木榻桂花枝自昔
衆中呼健者只今畫裏猶雄姿冲天豪氣三千
丈滿頭白髮將奚爲醉來一語遙相問可記城

南校稍時

京口渡江

峨峨鐵甕城鬱爲江戶牖時平靜風煙壯士隱

屠狗停舟扣市門提壺沽濁酒榜人蕩雙槳破
浪出京口青蘆掠江風白鷺翦清溜孤雲澹入
懷山光遠在手望古發浩歌瑰磊如培塿荀郎
持節年時維二十九帳上少將軍英雄聽奔走
人生隨物化功名斯不朽鷹隼望秋風乃在凡
鳥後胸懷不得舒百歲豈爲壽

宜春臺

宜春臺古淡斜輝秋半登臨襲翠微山水故僕
城郭改文章太守講堂非楚天木落衆山出吳
會雲高一雁飛東望懷鄉幾千里煙波遙送估

佩金
卷二
風歸

寒食途次

粵江水碧粵山低
客路孤舟日易西
又對梨花作寒食
滿天芳草鷓鴣啼

徵得已刻未選印出詩目

竹隱許

虬萬山樓

越沙金

露古雪堂

廷望陳葉筠寒翠軒

欽來周

準虛室吟

武遷嚴禹沛西圃草

天木李

樸冷風吟

僧訥園德元來鶴庵

心鑑覺順秀野堂浮餘集

天成賢巖續蓮草

翔臨果滿侶雲吟

終

